

## COLLEGIO

savij a i ordeni; et questi si chiama di colegio; i quali tutti puol ballotar, et ballotano. Qui si fa li armiragij, comiti et homeni de conseio de le galie de li viazi ogn'anno, a ballote; ancora in ditto colegio vi sta provedadori sopra l'armar et cassieri; *etiam* vi puol sempre intrar i avogadori di comun, et starvi *etiam* li provedadori al sal, patroni a l'arsenal, provedadori a le biave *etc.* Et è da saper che, come i cai dil conseio di x entrano in colegio, li cai di 40, savij a i ordeni, provedadori sora l'armar et cassieri convien *statim* uscir; et ivi i cai di x narrano quello voleno, o il conseio di x o altro, referir. Qui ogni matina si leze tutte le letere, si consultano, si alde li ambassadori, i quali hanno uno loco deputato dove aspetano quando vieno per qual cossa a la signoria, fino che abbino audientia. Qui entra et sta, oltra il cancelier grando, certi nodari de li savij, zoè cadauno hanno li suoi, li quali notano parte et lezeno. Qui ogni matina se determina quello à esser poi disnar, o conseio di x, o pregadi, o gran conseio, o vero colegio, o pur audientia publica; et è in libertà de cadaun savio, non essendo